

【蒔田】李秉璋原作

兼過年哩！係蒔田个好時節。滿哪仔都看得著耕種人在該犁田蒔禾。現代人較好命，做事逐項有機器好用。耕田請大臺个打田機來打，蒔田用蒔田機來蒔、還過請人洩藥仔、落肥料，用割禾機割禾，逐項都係機器化，自家就伸顧禾頭等佢大就好，毋使拚硬頭¹、拚生拚死拚到半條命。

想起還細个時節，屋下若係愛蒔田，阿爸異早就愛準備。先留穀種，在水槿²浸穀種，等穀種暴芽个時節，在田項較背風个田頭整理出幾下廂秧地好委穀種。同穀種委到勻勻，用抹刀同秧地抹平抹到金金金。續下來，用透明个塑膠布摺秧地做下揸起來，恁樣就毋驚會分鳥仔食忒，也毋驚會打著霜、凍壞。阿爸駛打田機³田，田⁴好放分日頭晒。一來分泥團燥鬆，禾頭好生根。二來，日夜溫差大，同園在泥肚个蟲仔寒分佢死。立春過，就愛開始無閒，犁田蔭水，準備蒔田。田肚个水堵好分泥肉軟入就好，忒多，秧仔企毋得核；忒少，田泥忒硬秧仔蒔毋得落。蒔田該日，阿爸打早天⁴光就落田去輪輪仔⁴，同一坵田畫出一大盤个棋盤。揸秧仔个人，用

順序。過一下仔，換工个人也都來哩！逐儕分工分到好勢好勢。揸秧仔个人，打赤腳，肩頭揸等一擔个秧仔行在該滑溜溜个田脣面項，就像係在該練輕功，肩頭揸重，腳趾頭抓地，一步步揸落田肚。

蒔田師傅一圓身裝備，頭戴笠嫲、手戴手袖仔、腳包腳裏⁶，右手个手指公落等⁷白鐵做个蒔田筲⁸，腰繫一條絡索，拖一隻裝⁹秧仔个秧盆，一字排開，逐個相隔六行。這時節就像在該走相逐，逐儕人左手托等秧餅，右手捏一撮秧仔，黏時蒔落田肚棋盤个橫直交叉點項。一撮一撮仔蒔落去，左手析兩行、腳下頭前兩行、右手片兩行緊蒔緊倒退。等加一下仔就做得看著田肚點點个青，就像係棋盤面項放到⁹个棋子。還較做得體會著「退步原來係向前」个情景。十點空仔，阿姆就會揸等該香噴噴个鹹粥到田脣。對打早就認真做事个人，到這下肚屎也盡枵¹⁰，一鑊粥食到淨淨淨。食飽後，後半場个比賽又開始哩。看麼儕蒔到較靚、蒔到較遽。逐儕人个手都無停⁹低，就恁樣一堵¹⁰，點點人影創造千千万萬个奇蹟。手項一比高田在大家个打拚下成就該靚靚个畫面。當畫時，田蒔好哩！阿姆也在屋下準備好豐沛个一餐等大家哩。

5 秧鑊：音 iong✓ can\；形如鍋鑊，專門用來鑊秧苗用的農具。

6 腳裏：音 giog\ go\；腿套。用較粗布料製成纏繞或包在小腿上，用以保護。

7 落等：音 lab\ den\；套著。

8 蒔田筲：音 sii tien✓ gong✓；用竹管或白鐵皮作成，前頭的部位呈斜尖刀形，套在大拇指上，專門用來分苗插秧的小農具。

9 停⁹：音 tin✓ to✓；停止。

10 一堵：音 id\ du\；一個區塊或一大片。

1 拚硬頭：音 biang ngang teu✓；做粗重的工作。

2 水槿：音 sui\ fong✓；大蓄水桶。

3 杪：音 cau；重新鬆土耕作。

4 輪輪仔：音 lin lin e\；使用車輪式正條密植器。插秧用劃線器，再加三、四根木條於各小輪上，人持此器具倒退走即可畫出棋盤線。

秧鑊⁵同秧仔揸做平大坵平大坵，放在秧籃裡肚，一緣一緣放分佢